



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/01-34-22801-1/21
Sarajevo, 16.6.2021. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničko pitanje, dostavlja se

Cijenjeni,

Zastupnik u Skupštini Kantona Sarajevo Senad Hasanović je na 37. Radnoj sjednici Skupštine Kantona Sarajevo održanoj dana, 31.5.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavio sljedeće **zastupničko pitanje**:

„*Da li Ministarstvo za odgoj i obrazovanje, a imajući u vidu iskazane potrebe roditelja za smještaj djece u predškolske ustanove, planira proširenje, obnovu ili otvaranje novih objekata Javne ustanove „Djeca Sarajeva“ u tekućoj godini ?*“

Odgovor:

Do početka 2021/22. školske godine, Javna ustanova „Djeca Sarajeva“ otvorit će tri vrtića i to: Vrtić „Umihana Čuvidina“, „Vjeverica“ i „Bulbuli“.

Vrtić „Umihana Čuvidina“, nalazi se na području Organizacione jedinice Novi Grad, Sarajevo u ulici Naila Šikala broj 1. Objekat je u sastavu Javne ustanove Osnovna škola „Umihana Čuvidina“ Sarajevo, te je namjenski građen za djelatnost predškolskog odgoja i obrazovanja, a u skladu sa Pedagoškim standardima i normativima za predškolski odgoj i obrazovanje („Službene novine Kantona Sarajevo“, br. 46/16 i 12/21). Navedeni vrtić je u potpunosti opremljen savremenom opremom i didaktičkim sredstvima za rad sa djecom predškolskog uzrasta od šest mjeseci do polaska u školu. Isti posjeduje i vlastiti otvoreni prostor koji još uvijek nije do kraja uređen (nije postavljen mobilijar). Prostor je namijenjen za cca 80 djece, odnosno za rad **četiri odgojne grupe**.

Vrtić „Vjeverica“, nalazi se na području Organizacione jedinice Novi Grad, Sarajevo u ulici Međunarodnog prijateljstva br. 19. Zgrada vrtića je zasebno građena prije ratnih dešavanja u



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Bosni i Hercegovini i obnovljena je u organizaciji Općine Novi Grad, uz finansijsku pomoć Vlade Kantona Sarajevo.

Objekt vrtića je u potpunosti obnovljen te opremljen namještajem i savremenim didaktičkim sredstvima za rad sa djecom predškolskog uzrasta. Pored zatvorenog prostora, raspolaže i vlastitim otvorenim prostorom, opremljenim mobilijarom za igru i boravak djece na otvorenom. Sastoji se od dvije etaže (prizemlje + sprat) i namijenjen je za rad **devet odgojnih grupa** (šest u prizemlju + tri na spratu, oko 260 djece). Opremljen je namještajem i didaktičkim sredstvima u skladu sa Pedagoškim standardima i normativima za predškolski odgoj i obrazovanje („Službene novine Kantona Sarajevo“, br. 46/16 i 12/21).

Vrtić „Bulbuli“, nalazi se na području Organizacione jedinice Stari Grad, Sarajevo, u ulici Hulusina br. 10. Samostalan je objekt, prilagođen za rad sa djecom predškolskog uzrasta.

Objekt vrtića je u potpunosti obnovljen i opremljen namještajem i savremenim didaktičkim sredstvima za rad sa djecom predškolskog uzrasta, te pored zatvorenog prostora, raspolaže i vlastitim otvorenim prostorom, opremljenim mobilijarom za igru i boravak djece na otvorenom. Sastoji se od tri etaže (prizemlje + sprat + sprat) i namijenjen je za rad **tri odgojne grupe** za 70-75 djece. Unutrašnjost objekta, kao i vanjski prostor opremljeni su namještajem i didaktičkim sredstvima u skladu sa Pedagoškim standardima i normativima za predškolski odgoj i obrazovanje („Službene novine Kantona Sarajevo“, br. 46/16 i 12/21).

Objekt je obnovljen u organizaciji općine Stari Grad uz finansijsku pomoć Vlade Kantona Sarajevo.

Također, početkom naredne školske godine, planirano je i otvorenje obnovljenog Vrtića „Ljiljani“ u Vogošći, koji je namjenski građen za rad sa djecom predškolskog uzrasta. Zgrada vrtića se sastoji od dvije etaže, a raspolaže velikom zelenom površinom i vanjskim otvorenim prostorom, te postavljenim mobilijarom za igru. U ovaj objekt je planirano upisati četiri odgojne grupe djece različite starosne dobi.

Sanacijom sprata objekta Vrtića „Ilijaš“, u kojem se trenutno rad realizira u okviru tri odgojne grupe i to za oko 70 djece, stvorit će se uslovi za upis još dvije odgojne grupe djece.

Na Šipu je u toku izgradnja novog vrtića u sklopu Javne ustanove Osnovna škola „Šip“ Sarajevo. Općina Centar je nosilac aktivnosti izgradnje objekta škole i vrtića, uz finansijsku pomoć Vlade Kantona Sarajevo. Otvaranje vrtića je najavljeno za početak školske 2021/22. godine.

U narednom periodu Javna ustanova „Djeca Sarajeva“ će, uz saglasnost Vlade Kantona Sarajevo, provesti konkursnu proceduru prijema novih radnika za rad u navedenim vrtićima.

Pored navedenih vrtića koji su u potpunosti spremni za početak rada, Javna ustanova „Djeca Sarajeva“ u narednom periodu planirala je i proširenje kapaciteta Vrtića „Radost“ dogradnjom dvije radne sobe sa pratećim prostorijama, čime bi se kapacitet od četiri odgojne grupe proširio na šest



web: <http://mon.ks.gov.ba>
 e-mail: mon@mon.ks.gov.ba;
 Tel: + 387 (0) 33 562-128,
 Fax: + 387 (0) 33 562-218
 Sarajevo, Reisa Džemaludina Čauševića 1




odgojnih grupa. Trenuto se radi na pribavljanju potrebne dokumentacije i dozvola. Ministarstvo je dalo saglasnost za proširenje kapaciteta Vrtića „Radost“.

Na objektu Vrtića „Lužani“, Ilidža, u toku su radovi na proširenju kapaciteta za još oko 300 djece. Dio vrtića je obnovljen 2016. godine i u funkciji je bio samo za dvije grupe djece (oko 60 djece). Kompletnom obnovom objekta povećat će se kapacitet vrtića na ukupno 300 djece i to će biti jedan od vrtića sa najvećim kapacitetom u Kantonu Sarajevo.

U narednom periodu započet će aktivnosti na kompletnoj rekonstrukciji objekata vrtića u Hrasnici i u Pejtonu, Ilidža, što će velikim dijelom riješiti probleme obuhvata djece predškolskim odgojem i obrazovanjem sa ovog područja.

U Općini Novo Sarajevo je u toku rekonstrukcija Vrtića „Kolibri“ i Vrtića „Narcis“, a Ministarstvo za odgoj i obrazovanje Kantona Sarajevo je već uputilo saglasnost za rekonstrukciju dvorišta Vrtića „Makovi“.

S poštovanjem,



MINISTRIČKA

Naida Hota-Muminović

Dostaviti:

1. Naslovu;
2. A/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

